

ZAVISCI O NABAVCI

OJN

Na osnovu člana 72. Zakona o javnim nabavkama BiH (Sl.glasnik BiH 39/14) a nakon provedenog Otvorenog postupka za nabavke robe: **Benzin (95 BAS EN 228) LOT 2061**, sa sukcesivnom isporukom za potrebe, KJKP GRADSKI SAOBRAČAJ D.O.O. SARAJEVO, zaključuje se:

OKVIRNI SPORAZUM O NABAVCI ROBE: Benzin (95 BAS EN 228) LOT 2061

Između:

1. **KJKP GRADSKI SAOBRAČAJ D.O.O. SARAJEVO**, ul. Srđana Aleksića br.1, koga zastupa Generalni direktor Avdo Vatrić dipl. Ing.el., s jedne strane /u daljem tekstu: Ugovorni organ /
2. « **HIFA PETROL** » d.o.o. Sarajevo, ul. Hotonj bb Vogošća, Reg br. UF/I -2648/04, ID BR. 4200999090005, PDV BR. 200999090005, TR.RN.BR. 3385502203296597 kod UniCredit Bank d.d., koga zastupa Hajrudin Ahmetlić direktor, / u daljem tekstu Dobavljač / s druge strane)

Član 1.

Ovim okvirnim sporazumom ugovorene strane regulišu okvirna pitanja vezana za realizaciju nabavke robe: **Benzin (95 BAS EN 228) LOT 2061** .

Član 2.

Predmet ovog ugovora je sukcesivna nabavka robe: **Benzin (95 BAS EN 228) LOT 2061** od firme « **HIFA PETROL** » d.o.o. Sarajevo, kojem je dodjeljen Okvirni sporazum Odlukom Ugovornog organa broj 04/489 od 16.12.2016 god.o izboru najpovoljnijeg ponuđača, a koji je proveden po Otvorenom postupku objavljenog na Portalu javnih nabavki 20.9.2016 god., a dodatno obavještenje o nabavci u Sl.glasniku BiH broj 71/16 od 23.9.2016 god.

Član 3.

Dobavljač se obavezuje da će Ugovornom organu isporučiti robu iz člana 1 ovog Sporazuma, pod uslovima i jediničnom cijeni kao što je naznačeno u prilogu ovog Sporazuma (Anex 2 i 3) koji čine njegov sastavni dio.

Vrijednost nabavke robe po ovom ugovoru iznosi po jednom litru 1,547 KM te ukupna cijena ponude bez PDV-a 6.744,92 KM, a ponuđač daje popust na cijenu od 0,10 KM/lit.u toku cijelog trajanja Okvirnog sporazuma koji iznosi 436,00 KM što u konačnici iznosi : 6.308,92 KM bez PDV-a, odnosno iznos PDV-a na cijenu ponude (sa uračunatim popustom) 1.072,51 KM koji daje rezultat od 7.381,43 KM sa PDV-om za period od jedne godine.

Način i uslovi plaćanja: Žiralno- 365 dana od dana fakturisanja .

Član 4.

Količine navedene u prilogu ovog sporazuma nisu obavezujuće za Ugovorni organ, tako da isti zadržava pravo na promjenu količine i nabavku samo onih količina koje su mu potrebne.

Okvirni sporazum se zaključuje na period od jedne godine od dana potpisivanja Okvirnog sporazuma, odnosno maksimalne finansijske vrijednosti okvirnog sporazuma navedene u članu 3 stav dva sporazuma.

Član 5.

Dobavljač se obavezuje da će robu isporučiti Ugovornom organu fco skladište ugovornog organa u roku od 24 sata od prijema pismenog zahtjeva za isporuku.

Dobavljač se obavezuje da će Ugovornog organa svrstati u prioritetne kupce što znači da će obezbjeđiti kontinuirano snadbjevanje benzinom bez obzira na stanje tržišta benzinskih derivata a kako je to naveo u svojoj izjavi koja je sastavni dio ponude.

Dobavljač će isporučivati a Ugovorni organ preuzimati ugovorenu robu sukcesivno prema dispoziciji Ugovornog organa (Benzinska pumpa), a na temelju narudžbenice za određenu vrstu i količinu robe.

Član 6.

Kvalitet robe mora odgovarati važećim propisima o kvalitetu robe u BiH.

Dobavljač daje garanciju za isporučenu robu od 1 (jednu) godinu od dana isporuke.

Svaku isporuku robe obavezno će pratiti certifikat o kvalitetu izdat od nadležne institucije.

Dobavljač se obavezuje da snosi troškove laboratorijske analize isporučene robe 4 puta u toku godine kod jedne od ovlaštenih laboratorija po izboru Ugovornog organa (Izjava ponuđača sastavni dio ponude).

Ugovorni organ zadržava pravo kontrole kvaliteta isporučene robe u nezavisnoj ovlaštenoj instituciji, te ako se utvrdi da robe ne odgovara standardima kvaliteta i certifikatu koji je prati, Ugovorni organ može jednostrano raskinuti ovaj sporazum u skladu sa Zakonom o obligacionim odnosima.

U slučaju da se naknadno utvrdi da kvalitet robe nije u skladu sa ponudjenim, Ugovorni organ će sačiniti komisijski zapisnik kojeg će najkasnije u roku od tri dana dostaviti dobavljaču.

Član 7.

Na osnovu ovog okvirnog sporazuma ugovorne strane će zaključiti pojedinačne ugovore kojima će se bliže regulisati prava i obaveze za realizaciju ovog okvirnog sporazuma.

Pojedinačni ugovori potpisivati će se na period od 3 mjeseca na bazi planirane mjesečne potrošnje i po cijeni kako je to navedeno u članu 3 stav 2 ovog sporazuma.

Pojedinačne nabavke odnosno ugovor obavežno će biti pod uslovima utvrđenim u tenderskoj dokumentaciji i prihvaćenoj ponudi.

Obaveze ugovornog organa i dobavljača biti će regulisani pojedinačnim ugovorom.

Sve što nije regulisano ovim sporazumom ili pojedinačnim ugovorom sklopljenim na temelju ovog sporazuma primjenjivat će se odgovarajuće odredbe zakona o obligacionim odnosima.

Član 8.

Dobavljač je obavezan, prilikom potpisivanja ugovora dostaviti bezuslovnu bankarsku garanciju naplativu na prvi poziv u iznosu od 2 % od ugovorene vrijednosti ugovora ili mjenicu sa rokom važnosti od dana zaključivanja ugovora do isteka važenja ugovora + 30 dana .

Ukoliko Dobavljač, u vrijeme potpisivanja ugovora, ne dostavi bezuslovnu bankarsku garanciju ili mjenicu iz stava 1. ovog člana, a sporazum se potpiše, primjenjivat će se odredbe člana 125 Zakona o obligacionim odnosima.

Član 9.

U okviru perioda važenja ovog okvirnog sporazuma koji je naveden u članu 4.stav 2. za pojedinačne nabavke neće se primjenjivati odredbe propisa kojima se uređuje postupak javne nabavke.

Član 10.

Cijene u članu 3 ovog sporazuma iz ovog sporazuma su cijene date u ponudi na dan otvaranja i iste su podložne izmjeni u slučaju promjene cijena benzina i benzinskih derivata na benzinskoj berzi, kursa dolara i drugih promjena koje mogu uticati na formiranje maloprodajne cijene benzina.

U slučaju promjene cijena benzina i benzinskih derivata na benzinskoj berzi, ugovorni organ će prihvatiti promjenu cijena uz predočenje OPC obrasca ovjerenog od strane nadležnog Ministarstva koje je obavezan priložiti dobavljač.

Član 11.

Odredbe ovog okvirnog sporazuma ne mogu se mijenjati nakon njegovog zaključenja osim u slučaju promjene cijene kako je to navedeno u članu 10.

Član 12.

Ovaj okvirni sporazum stupa na snagu nakon potpisivanja obje ugovorne strane.

Član 13.

Sve eventualne sporove ugovorne strane će rješavati mirnim putem a ukoliko to nije moguće za rješavanje spora nadležan je Općinski sud u Sarajevu..

Član 14.

Ovaj okvirni sporazum je sačinjen u /4/ primjerka, od kojih ugovorni organ zadržava tri /3/, a dobavljač /1/ primjerak .

ZA DOBAVLJAČA

DIREKTOR

Hajrudin Ahmetlić

Broj:

Datum:

10114
10.01.2017



ZA UGOVORNI ORGAN
GENERALNI DIREKTOR

Avdo Vatrić dipl.ing.el.

Broj:

Datum:

133
05-01-2017